

## ABASI ADA YE OWO ESIE: ADA-USUÑ ISRAEL

Numbers 17:1-13

ỌYỌHỌ UKPEP-ŃKPỌ 106

Eke Ikpọ Owo

**IKỌ IBUOT:** “Idighe mbufo ekemek Mi, edi Ami ńkemek mbufo nnyuñ nnim nte mbufo eka ekeñwum mfri, mfri mbufo okponyuñ osuk odu” (John 15:16).

### I Se Esañ Akadade Onọ

1. Mbọñ, ye mme ada ibuot ke mme ufọk Israel ema eda esañ mmọ kiet-kiet edi; emi ekedi esañ duopeba, Numbers 17:1, 2, 6; 1:5-16
2. Ema ewet enyiñ owo kiet-kiet ke esañ esie, etiene ufọk ete mmọ, Numbers 17:2
3. Ekewet enyiñ Aaron ke esañ ufọk Levi, Numbers 17:3
4. Ekenim kpukpru esañ emi ke Ataya ke iso ńkpọ-ntiense, Numbers 17:4, 7

### II Esañ Emi Ekeshede, Owut Ete Emek Aaron

5. Ekenam emi man nsuk-uyo Nditọ Israel ekpetre, Numbers 17:5; 16:41-50
6. Ema eda mme esañ emi edi ke eyo ekesierede, ndien esañ Aaron ama esehe, onyuñ oñwum ndiye mfri mbansañ mbakara, Numbers 17:8
7. Ema emen mme esañ emi ewut kpukpru Nditọ Israel, ndien owo kiet-kiet osio esañ esie, Numbers 17:9

### III Esañ Aaron, Ọsọñ-urua Iko-ntiense

8. Abasi ama ọdọhọ Moses ete yak afiak ada esañ Aaron edi ke iso Ekebe Ediomu Abasi nte ńkpọ-ntiense man enim nte idiọñọ enọ mbon nsọñ-ibuot, Numbers 17:10; Mme Hebrew 9:4
9. “Ndien Moses anam ntre, kpa nte emi Jehovah eketemedede enye, ntem ke enye akanam”, Numbers 17:11
10. Nditọ Israel ema ekut idiọk itie mmọ ke akpatre, ndien etre ndisuk uyo ke ńkpọ emi, Numbers 17:12, 13.

## SE EKPEPDE EBAÑA

### Udim Mbon Mbume

Ema etiñ ete, “Utibe-ńkpọ inanake ke ebiet eke eyomde utibe-ńkpọ.” Edieke owo me otu owo enamde akpanikọ ke mbume mmọ, Abasi iditreke ndinọ ibọrọ. Jesus ama ọdọhọ ete, “Edieke owo onyimede ndinam se Enye amade, owo oro eyefiok abaña se ńkpẹpde, mme oto Abasi, mme Ami ntiñ ikọ oto idem Mi” (John 7:17). Abasi iyomke nnyin idu ke eyighe ndien ke edikem ini, Enye eyeyarare Idemesie ọnọ nnyin kpa nte Enye akanamde ọnọ Thomas.

Ke ini emi, nditọ Israel ekesok ukot ke edem mbiba. Ubierikpe Abasi ama ọsuhọre nsọñ-ibuot Korah, Dathan ye Abiram onim. Abasi ikeduehe ke ndikemek Aaron ke abaña edifọp ufuọñ-ńkpọ ke enyin usuñ Ataya (Numbers 16:16-18, 35). Mbon nsọñ-ibuot ema etọ mkpasip ubahare, edi nte ededi, ediwak owo ema esuk eka iso ebup ndifiok ata akpan owo emi Abasi okoside onim. Edieke mmọ ekpekerede kpukpru se ikitibede ke idaha itie utom oku Aaron, mmọ ikpobupke mbume ibaña ikot esie ke itie utom oro. Ke ini ufen udọñọ okotibede ke otu Nditọ Israel nte utip ńkuni ye nsọñ-ibuot mmọ ke ńkpọ emi, Aaron ama efehe oduk ke otu oro ye ńkpọ ufọp ufuọñ-ńkpọ ke ubọk esie man ekpe Abasi ubọk abaña mmọ. Abasi ama okpono mkpe-ubọk Aaron, ndien udọñọ ama okure. Edieke Israel mikpekenyeneke ńkpọ-ntiense efen, ńkpọ-ntibe emi ekpekekem se mmọ edade enim ke akpanikọ ete ke Abasi ekemek Aaron onim ke idaha oku.

### Eyom Mbiet Aaron

Abasi minọhọ owo uñwam, baba owo kiet ikpekemeke ndinam se Aaron akanamde. Emi ekedi ata ńkpọ idiọñọ ke abaña idaha Aaron nte oku, oro edi ke ini enye ọkọfopde ufuọñ-ńkpọ anam udọñọ etre, emi ekeikutde enye nte ekpe-emem ke ufọt Israel ye Abasi. Job ama oyom oruk ekpe-emem oro, edi ikoduhe. Ke eyo Ezekiel, Abasi ete: “nyom owo eke edinamde ọkọ, onyuñ adade ke ebiet emi owurede ke iso mi, ke abaña isọñ, man enye okubiara: edi ńkwe” (Ezekiel 22:30). Oruk owo nte Aaron itimke iwak, nte ndusuk owo ekpeyomde ikere, edi ke akpanikọ etim eyom oruk mmọ emi ekan nte ekedide ke akpa.

Nditọ Israel, ke ini Korah ekenyikde mmọ, ema ekere ete, “koro ofuri esop kpukpru edide edisana”, mmọ ema esop ekut oto ke usọp-usọp ufen emi Abasi ọkọnọde mmọ emi ekeduede, nte mmọ mikenenke. Edi Abasi esiyoyom mme owo emi edidade ke ufọt mme odu-uwem ye mme akpa-mkpa nte Aaron akanamde, ke ndikpe ubọk nnọ mme odu-uwem. Ekot nnyin nte mme anditiene-Christ mfin man idinam mkpe-ubọk, ke edibọñ akam mbaña kpukpru owo

(1 Nwɛd Timothy 2:1). Enam nnyin ndidi, “obio uboñ ye mme oku nno Abasi”, ke ntre utom emi anade ono nnyin ndinam nno Enye okpon eti-eti. Utom edisuan eti-mbuk erinyaña emi inaha ino mme okworo-iko ikpon; enye ana ono kpukpru ndito Abasi emi “emanade obufa.” Ke ima ikasuan Mkpasip, edi utom nnyin ndiduk mmoin oto ke akam nnyin man ekeme ndikori nsim nsinsi uwem ke esit mme andikop.

### **Enam Utibe-Nkpo**

Nsoñ-ibuot Korah ama anam ediwak owo edue. Mboñ 250 emi eketienede enye ekedi mmoin emi ekenyenede akwa idaha. Mmoin ekedi mbon uko ke otu mbon ndutime, emi owo mikekemeke ndikara, ndien ema eda mmoin eworo iso man ekeme ndidiono odudu emi Moses ye Aaron ekenyenede. Ke ini ikañ Abasi akatade mmoin, otu ebak enyui ekop ndik ke esisit ini; edi ndik emi ama ada iyaresit edi, ndien mmoin etin ete ke Moses ye Aaron emewot mme ada-usui mmimoin. Udono ama afiak ada ndik esin ke esit mmoin; ndien idaha emi, man mmoin ekeme ndikut se idide ata akpaniko ete ke Moses ye Aaron ikedighe mbon nkan-ubok, edi ekedi mmoin emi Abasi ekemekde, ndien utibe nkpo emi okotode esañ ama ada itie.

Ke uyo Abasi, Moses ama ono Nditio Israel item ete eda esañ kiet-kiet edi man ada ono ufok mme ete mmoin, esañ duopeba kpa nte esien mmoin ekedide. Mboñ me mme ada-ibuot ke esien mmoin ekenyene ndida esañ ye enyui owo kiet kiet ke esañ esie ndi. Esañ duopeba emi, ye esañ Aaron ke otu mmoin ke iso Abasi ekedoro ke Efe-ntiense. Eñwoñ Abasi ekedi, “Ndien ama ekem esañ owo eke ndimekde eyesehe.” Ke ini Moses akakade Efe-ntiense edem usen, esañ Aaron emi akadade ono ufok Levi ama otibe onyui esehe, ndien onwum mfri mbansañ mbakara.

Idiono utibe-nkpo akananam ikponke ikan emi. Kpukpru nkpo se ikabañade enye ama okpuro ye uduot esañ ke usui emi eyighe mikpoduhe ke esit mme owo, ye ke esit mme ofube ufup mboñ, ke edisana edimek emi Abasi ekemekde Aaron ye nworo-nda ubiono emi Abasi okobionode ke nkpo emi. Ke esede ekpri nkok eto emi esibede esio ke ekpat eto ke anyan ini, enye inyeneke ikpok me mmoin ke idem, eyak enye enim oto kiet ye mmoin eken ke edisat ebiet ke okoneyo kiet, ndikut nte utio eto oro enyenede uwem, onyui esehede, osionode mfri ke ukem ini oro, enyene ndidi uwut-nkpo eke otode Abasi man eda oro etre kpukpru eyighe enyui eda nko enam kpukpru mfina edop. Kpukpru Nditio Israel ema eduro mme esañ oro, ndien mboñ kiet kiet enyui emen eke mmoin, ntem ke Abasi ekeyet Aaron aran nte Oku ikata: akpa ke aran ye iyip, oyoho iba ke ikañ, ndien ke akpatre ke idiono esañ emi ekesehede. Mme owo ema enyime oto ke idiono oro, ndien inyui ifiakke isuk uyo ibaña idaha oku aba.

### **Esañ Aaron Nte Nkpo Eriti**

Man etim ewut Nditio Israel ke ini iso ke nsinsi ke abaña erimek Abasi, ye ndinyui nnam enye edi idiono ono mbon nsoñ-ibuot, Abasi ama ono Moses item ete afiak ada esañ emi ekesehede okonim ke itie esie ke iso nkpo-ntiense. “Ndien Moses anam ntre, kpa nte emi Jehovah eketemede enye, ntem ke enye akanam.” Idahaemi mme owo ema enyene idiono emi ekutde iso ye iso nte Abasi ekemekde owo esie ke idaha oku. Nditio Israel ema enyui efio itie mmoin ke iso Abasi, enyui edoho Moses ete “Kpukpru mmoin eke esañade ekpere ebiet-idui Jehovah eyekpaña.” Mmoin ema etim ekut idem mmoin ukem nte Abasi okokutde mmoin. Idio-nkpo mmoin ama etie nte okpon akaha, ndien mmoin ekekere ete ke usui uboho iduhe ino mmoin aba. Edieke mme owo ekpekoidekoi esaña ekpere Ataya, me ndiduk ndi ye udon ndibo Aaron itie ke nkan ubok, mmoin ekenyene ndikpa. Nte ededi, edieke mmoin ekpekesañade kpa nte Abasi akadade mmoin usui, ikpekekereke ke mmoin ndinyene eti unen ikpon, edi ekpedori enyin ndinyene edidion Abasi ke mmoin ndinam ntre.

### **Esañ Oro Mfin**

Ekeme ndida mme idiono emi odude ke Eti-mbuk Jesus Christ ndomo ye esañ Aaron. Jesus edi Akwa Oku nnyin, ndien Enye akada Eti-mbuk Obio Uboñ edi ke ererimbot nte esañ odudu Esie. Eti-mbuk edi mmoino emi esehede ke ini enye akasañade ke ererimbot; edi ke ini Enye ama akakpa ke kros, onyui osuro ke udi, mme asua Esie ema ekere ete ke Eti-mbuk Esie etiene Enye akpa. Odu-uwem idorienyin ama etie nte akpa ke esit mme anditiene Jesus. Mme asua Christ ema ekere ukem-ukem nte mme osuk-uyo Nditio Israel ekekere ete ke Enye ikedighe Enye emi Abasi ekeyetde aran onim.

Nso utibe erikan ke ini Jesus eketde ubon-ubon! Eti-mbuk emi edide odudu Esie, ama woro ada onyui odu obufa uwem ke ndisehe nnyui nsiaha ikon, ye ke ndinwum ekese mfri. Eti-mbuk akwa idaresit emi abañade erinyaña ukpon ama afiak edemere ke esit mme owo. Odu-uwem idorienyin ama afiak edemere ke ikpanesit mbet Esie. Mmoin ema eka ke kpukpru ebiet enyui ekekoro Eti-mbuk ndien nte mme owo ekewakde ikedighe se ekemede ndibat. Nnyin idu ke ini edibo nkori ikon Abasi oro mfin; edi ekon enyene Abasi, koro nnyin imekeme ndisuk nka iso ke ndinam utom nno Enye ke inwani utom Esie. “Ndien do Enye odoho mmoin ete, ke akpaniko idok okpon, edi mme anam-utom iwakke; ebeñe ndien enyene-idok, ete, Enye osio mme anam-utom odon edi ke idok Esie” (Luke 10:2).

Esañ Aaron emi ekesehede ama ada utit nsuk-uyo nditio Israel edi ke abaña nkpo emi, ntem ke Eti-mbuk odoho ete, “Eda nti ido ekibi inua mbon ndisime” (1 Peter 2:15).

Ekenim esañ Aaron nte ñkpọ idiọñọ ke abañ akpanikọ Abasi ye owo. Ke ererimbot mfin, iduhe idiọñọ emi okponde akan ima emi Abasi enyenede ọnọ uduot-owo nte Eti-mbuk emi Eyen owo ọkọnọde. Eti-mbuk emi otim ekpep nnyin ke ata mmem-mmeme iko “Koro Abasi akamama ererimbot ntem, tutu enye osio ikpọñ-ikpọñ Eyen emi Enye obonde ọnọ, man owo ekededede eke ọbuotde idem ye Enye okutak, edi enyene nsinsi uwem” (John 3:16).

#### **MME MBUME**

1. Nso ikedi ntak emi Jehovah ọkọdọhọde Moses ọbọ esañ mbọñ Nditọ Israel?
2. Ekesaña didie efiok esañ owo kiet-kiet?
3. Enyiñ anie okodu ke esañ ufok Levi
4. Abasi ọkọdọhọde Moses obon mme esañ emi ke mmọñ?
5. Nso idi ntak emi afo ekerede ete ke Enye okoyom mmọ do?
6. Nso ikotibe ke ini Moses akasañade ese mme esañ emi ke usenubok?
7. Nte oruk ñkpọ emi ekeme nditibe ke idemesie ikpọñ.
8. Nso ke nditọ Israel ekenam ke ini mmọ ekecutde mme esañ emi?
9. Nso ke Moses akanam ye esañ Aaron? Nso ikedi ntak?
10. Nte nditọ Israel ema efiok ndien idaha mmọ ke iso Abasi?